

## Moore - Fāagrā Guls-Sōamyā - Salvation Scriptures

Efes 2:2 Pīnda, yāmb dag n kēnda yel-wēn kāens pugē wa sēn zems dūni-kāngā sēn kēnd to-to wā, n sakd yīngr pāng naabā, sīg ning sēn tūmd wēn-kūsdbā pugē mosā wā.

Matye 6:10 tī yāmb soolmā wa, tī yāmb daab maan tēng zug wa a sēn maand arzānā.

Luk 22:42 n yeel yaa: M ba, yāmb sā n data, bī y zāag bōn-yūudl kāngā ne maam. Baoosgo, bī y ra maan mam sēn datā ye, maan-y y raabo.

Zā 16:7-9 Baoosgo, mam yeta yāmb sīd tī mam loogr n sāo yāmb yīnga. Bala, mam sā n ka kēnge, sōangdā ka na n wa yāmb nengē ye. La mam sā n kēnge, mam na n tūm-b lame n kō-yā. 8 La b sā n wa, b na n kitame tī dūni neb sak n deeg yel-wēnā yelle, la tūrlem yelle, la buud yelle. 9 B na n sak n deega yel-wēnā yellā, tī bōe, b ka tēed maam ye.

2 Tūmote 2:10 Rē n kīt tī mam sakd būmba fāa nin-tūusidsā yīnga, tī bāmb me tōe n paam fāagr ning sēn be a Zezi Kirist pugē, la m paam ziir sēn kōn sa.

Rom 15:20,21 La mam yāka yam tī moon koe-noog zīis nins b sēn zī n pud Kirist yūrā ye, tī m da wa n me ned a to yēbgr zug ye. La a wa b sēn guls n yeelā: 21 Neb nins sēn ka gom bāmb yell b sukā na n yāame, la neb nins sēn dag n ka wūm b kibarā, na n wūma a vōore.

Tūuma 2:36,37 Dē yīngā, Israyel buudā fāa, bāng-y sīd-sīd tī Zezi kāng yāmb sēn ka da-pikā zugā, Wēnnaam kitame tī bāmb lebg Zu-soaba la Kirist. 37 La nebā sēn wūm gom-kānga, a sūsa bāmb sūyā. La b soka a Piyeer ne tēn-tūmdba a taabā yaa: D saam-biisi, tōnd tog n maana bōe?

Hebre 4:2 Bala, koe-noogā b sēn moonā, ya tōnd la bāmb me. La gomd ning b sēn wūmā ka zīnd yōod ne-b ye, bala neb nins sēn wūm koeegā ka reeg-a ne tēeb ye.

Zeremi 24:7 - Matye 22:37 A Zezi leoka yēnda n yeele: "Nong Zu-soaba fo Wēnnaam ne f sūur fāa, la ne f sūgā fāa, la ne f tagsgā fāa."

Tūuma 16:14 Pag a yembr n dag n be be n zoet Wēnnaam, tā yūr ya a Lidi. A yita Tiyatūr, la a koosda peen-miid sēn be neer wūsgo. Pug-kāng ra kelgdame, la Zu-soabā sūsa a sūurā tā sak n deeg būmb nins a Poll sēn da togsdā.

Matye 13:14-16 La Wēnnaam no-rees a Ezayi bāngr-goamā paama pidsg bāmb yīnga. A yeelame: "Yāmb na n wūma sōama la y kōn bāng a vōor ye, yāmb na n gesa neere la y kōn yā ye. 15 Bala nin-kāensā sūyā riglimame. Bāmb yēda b tuba la b mum b nini, tī b nin da yā la b tub ra wūme, tī bāmb yamā kōn wūm a vōore, tī b kōn lebg n wa tī mam maag-b ye." 16 La yāmba, bark bee yāmb zutu, y ninā sēn yātā la y tubā sēn wūmdā yīnga.

Ezayi 6:9,10 - Tuuma 28:27 Bala, nin-käensā sūyā lebga riglima, b yēda b tuba, la b mum b nini, sēn na yilē tī b nin da yā, tī b tub ra wum ye, tī b ra tags n wum a vōor ye. La b sēn kōn tek yam n kos sugri, sēn na yil tī mam maag-b ye.

Mark 4:11,12 A Zezi yeela bāmba: Yaa yāmb la Wēnnaam kīt tī y bāng bāmb soolem bōn-solgdse, la ne neb nins sēn ka be soolmā pugē wā, yel-käens yaa soalem bala, 12 "hal tī baa b sā n get sōama, b kōn yā ye, la b sā n wumd sōama, b kōn wum a vōore, tī b ra wa n tek yam n kos sugr n paam ye."

Zā 12:39,40 Sēn paase, b ka tōe n tē ye, tī bōe, a Ezayi leb n yeela a woto: 40 Wēnnaam luda b ninā, la b keng b sūyā, tī b da wa n yā ne b ninā, tī b da tags n wum a vōore, la tī b da wa n tek yam, tī mam maag-b ye.

Rom 11:7,8 Dē, yaa bōe? Israyel nebā ka paam būmb ning b sēn dag n baoodā ye, la nin-tūusdsā paam-a lame. Neb a taabā sūy riglimame, 8 wa b sēn gulsā: Hal tī ta dūnna daare, Wēnnaam kōo bāmb gōeem siiga, nin sēn ka ne, tub sēn ka wumda. La a Daviid yeelame yaa:

2 Tesalonik 2:10,11 la ne ka-tirlem belgrā fāa, neb nins sēn na n sāamā yīnga, bala, b ka reeg sidā nonglem n na paam fāagr ye. 11 Woto yīnga, Wēnnaam tuma meneng siig b nengē, tī b na tē zīrī,

Matye 13:18-23 Dē, kelg-y bōn-bu-fērgdā yel-būndā vōore. 19 Ned sā n kelg Wēnnaam soolem koeegā n ka wum a vōore, wēng soabā wat n yiisa bōn-buudā sēn dag n fērg yē sūurē wā. Yē wēnda bōn-buudā sēn lūl sorā kirengā. 20 Bōn-buudā sēn lūl kugā zīgē wā yaa ned ning sēn wumd Wēnnaam koeegā n deeg-a tao-tao ne sū-noogo, 21 la a yaool n ka tar a meng yēgen ye. Yē kaoosda wakat bilf bala, la toog bi namsg sā n yaool n paam-a Wēnnaam koeegā yīnga, yē lūltame. 22 Bōn-buudā sēn lūl gōosā sukā yaa ned ning sēn wumd Wēnnaam koeegā, tī dūniyā yūre la arzegs belgr wulumd koeegā t'a ka womd biis ye. 23 Bōn-buudā sēn lūl zī-sōngē wā yaa ned ning sēn wumd Wēnnaam koeegā n wumd a vōore la a womd biisi. Kēer womame tī ta koabg-koabga, kēer pis-yoobyooobe, kēer pis-tātā.

2 Korēnt 3:15,16 Hal tī ta moasā, b sā n karēmd a Moyiis sebrā peenda ket n luda b yama. 16 La b sā n wēnemd n tek yam n tē "Zu-soabā", peendā pilgdame.

Ooze 11:3-7 - Matye 11:28-30 Yāmb fāa, zūb sēn zīsg tī y yē wā, wa-y mam nengē, la m na n kitame tī y vuusse. 29 Rīk-y mam yubl-balgr n pidi, la y sak mam zāmsgo, bala mam yaa nin-bugsga la sū-mar soaba, la yāmb na paam vuusgo. 30 Bala yubl-balgr ning mam sēn pit yāmbā yaa faoogo, la zūb ning mam sēn tukd yāmbā yaa faasga.

Tuuma 26:18 tī f puk b nina tī b wēnemd n bas likā n wa vēenemē wā la b bas Sutāana n sak Wēnnaam n paam b yel-wēna sugri, la puur ne neb nins sēn

tē maam n lebg Wēnnaam nebā.

2 Tūmote 2:24-26 Wēnnaam tumtumd yaool n ka tog ne zab ye, a tog n tara nonglem neba fāa yīngā, la a tar zāmsg ne zūb tukr kūuni. 25 A tog n demsa no-koεεm wēedbā ne sū-bugsem, n maand tēeb tī Wēnnaam na n kitame tī b paam sū-lebgre, n tōog n bāng sīdā, 26 tī b leb n paam yam-sōngo, la b tōog n yi rōatā kūusa sēn yōg bāmba tī b sak-a wā pugē.

Vēnegre 3:17-19 Yāmb sēn yet tī yāmb yaa arzegs rāmba, tī y paama arzegse la yāmb ka le rat baa fūl wā yīngā, la yāmb sēn ka mi tī y yaa nimbāan-neba, n be namsg pugē la y ya naong rāmba la y zoēnse la bēelā yīngā, 18 mam sagenda yāmb tī y ra sānem mam nengē, sēn zug ne bugum, tī y tōe n lebg arzegs rāmba, la y ra fu-peels mam nengē, tī y tōe n paam n yeelge, n lud y yānd n da yl a zaal ye, la y ra nin kaam mam nengē n sōog y ninā tī y tōe n yā. 19 Mam lengda neb nins fāa mam sēn nonge, la m sibgd-ba. Dē wā, bī y nang pānga la y tek yam n kos sugri.

2 Korēnt 7:10 Sīd me, sū-sāoong ninga sēn yit Wēnnaam nengē wā kitdame tī ned tek yam n kos sugr n paam fāagre, la ned ka maand a bāngē rē yīng ye. La dūni wā sū-sāoong wata ne kūum.

1 Rīma 18:37 - God turned heart back to God

2 Korēnt 4:4 Yaa neb nins sēn ka tēed-bā. Dūni kāngā na-wēngā sēn yaa a sūtāan sēn lud b yamā tī b ka tōe n yā Kirist sēn ya Wēnnaam mengā wēnegā koe-noogā ziirā yīngā.

Luk 8:11-15 Yel-bündā vōor la a woto: bōn-buudā yaa Wēnnaam goamā. 12 Sēn be-b sor kirengā yaa neb nins sēn wūm koεegā, tī rōata wat n yiisd koεegā sēn da be b sūyē wā, sēn na n yl la b ra tē n paam fāagr ye. 13 Sēn be-b kugrā zugā yaa neb nins sēn wūmd koεegā n deegd-a ne sū-noogā. La b ka tar yēgen ye. Bāmb tēeda wakat bilf bala, la makr wakate, bāmb basda tēebā. 14 Gōosā, bōn-buudā sēn lui b sūkā, yaa neb nins sēn wūmd koεegā n sē n looge, tī yūre, la arzegse, la dūni sū-noogā rī koεegā t'a ka womd biis tī bī ye. 15 Zī-sōngā, yaa neb nins sēn wūmd koεegā ne sūur sēn ya sōama la tūrga, n talld-a, n yalsd kāenkāe, n womd biisā.

Tūuma 15:11 La tōnd tēedame tī yaa Zu-soab a Zezi barkā yīng n kit tī tōnd paam fāagr wala bāmb me sēn paam to-to wā.

Rom 8:13 Yāmb sā n vūmd wa yīngā sēn data, yāmb na ki. La yāmb sā n kit tī yīngā tūum ki ne Sūgā pānga, yāmb na vūmde.